

Acuile dal Friûl / Aquila del Friuli

www.acuiledalfriul.org / www.aquiladelfriuli.org

Ai 10.01.2022: Fermini la agonie de Mont furlane

Cjalant ae Mont di cumò, rivin a intuî di ce sorte ch'al sarà dut il Friûl, jenfri doi decenis.

Il fat che un problem al sedi di vecje date nol 'ûl dî che al sedi impussibil di risolti.

Se no si scomence di cualchi bande e ta cualchi maniere a no si finirà ni si miorarà mai.

E cun di plui nol è propit par nuje indifarent cui ch'al pense e al met in vore i intervents pes nestris tieris altis plui debilis.

Di sigûr no lis judaràn mai i governants triestins di cheste Regjon Friûl – V.J. cun liniute (no FVG).

Lis Acuilis àn invect dedicât il prin pont dal lôr Program propit ae Mont (paragraf prin su la Mont, ch'al si cjate tal Program politic gjenerâl consultabil sul nestri sît web, subit daspò lis premessis fundamentâls e la cuistion furlane e il problematic rapuart jenfri Friûl e cjâflûc regionâl triestin).

A son sot i voi di ducj i grâfs risis che a disconfuartin la nestre Mont furlane, che in assolût e risulte jenfri lis areis plui depressis di dut l'intîr Arc Alpin:

spopolament prin di dut fisic e demografic, ma ancje di lenghe e di culture;

sfrutament di ambient e paisaç (es. autostradis dal dut inutilis e anzit danosis pal teritori furlan ch'a viodin il Friûl dome tant che colonie di imponiji servitûts di passaç a benefici dai potents cunfinants triestins o venits; eletrodots che in Friûl a no vegnin nancje intierâts; ulteriôrs implants idroeletrics che al Friûl a j lassin dome i pês, se no fintremai lis tragjediis, tant che tal emblematic câs autenticamentri coloniâl dal Vajont), cun evidents efîets negatîfs cuintri de valorizazion turistiche (e di consequence ancje economics);

siaridure di ducj i servizis essenziâls (es. la Justizie te Cjargne e à lassât dome une super-preson pai piês mafiôs; i piçui Ospedâi di presidi territoriâl a son aromai t'un risi evident tant che a Cividât o a Sacîl o Davian o Manià o Spilimberc se non ancje a Tumieç, per no fevelâ dal Ospedâl di Glemone che al jere une piçule zoie antisismiche, intant che il cjâflûc regionâl triestin al continue a gjoldi di un bon servizî sanitari t'une Regjon uniche ma a dôs velocitâts; lis piçulis emitents locâls a stan dutis sierant e il lôr teritori al sta pierdint lis lôrs vôs di dongje e di spes libaris e sensibilis aes solecitazions ch'a vegnivin di abàs tant che Videotelecarnia).

Lis soluzions a si podaràn cjetâ dome t'un rignuvît radicament territoriâl e identitari (difarent se no, par ce motîf bisugnaressial ostinâsi su la Mont, s'a nol fos impuartant salvâ il nestri popul?) e t'une gnove mentalitât di inovative continuitât e di viertidure al model virtuôs che per noaltris in Friûl al è e al scuen jessi prin di dut chel dal Südtirol; par il rest il nestri contribût se no altri propositîf al sta scrit tal nestri Program; judinus ancje tu a tornâ a cjapâ il control di cheste Regjon par cont dal Friûl par metilu in vore cjapant su ulteriôrs propuestis ch'a vignidin ancje di dut un teritori de Mont furlane che di simpri j stin une vore atents.

Il Coordinadôr Regionâl – avv. Luca Campanotto

par dut il Diretîf e dut il Moviment di Acuile dal Friûl: <https://www.acuiledalfriul.org>

Acuile dal Friûl / Aquila del Friuli

www.acuiledalfriul.org / www.aquiladelfriuli.org

10.01.2022: Montagna friulana: Fermiamo l'agonia

Guardando alla Montagna di adesso, riusciamo a intuire come sarà tutto il Friuli, tra due decenni.

Il fatto che un problema sia antico non significa affatto che sia impossibile da risolvere.

Se non si incomincia da qualche parte e in qualche modo non si finirà né si migliorerà mai.

Inoltre non è affatto indifferente chi pensa e attua gli interventi per le nostre terre alte più deboli.

Sicuramente non le aiuteranno mai i governanti triestini di questa Regione Friuli – V.G. (non FVG).

Le Aquile hanno invece dedicato il primo punto del proprio Programma proprio alla Montagna (paragrafo primo sulla Montagna, che si trova nel Programma politico generale consultabile sul nostro sito web, subito dopo le premesse fondamentali e la questione friulana e il problematico rapporto tra Friuli e capoluogo regionale triestino).

Sono sotto gli occhi di tutti i gravi rischi che affliggono la nostra Montagna friulana, che in assoluto risulta tra le aree maggiormente depresse di tutto l'intero Arco Alpino:

spopolamento anzitutto fisico e demografico, ma anche linguistico e culturale;

sfruttamento ambientale e paesaggistico (es. autostrade del tutto inutili e anzi dannose per il territorio friulano che vedono il Friuli solamente quale colonia cui imporre servitù di passaggio a beneficio dei potenti vicini triestini o veneti; elettrodotti che in Friuli non vengono nemmeno interrati; ulteriori impianti idroelettrici che al Friuli lasciano solamente gli oneri, se non addirittura le tragedie, come nell'emblematico caso autenticamente coloniale del Vajont), con evidenti ricadute negative sulla valorizzazione turistica (e quindi anche economiche);

chiusura di tutti i servizi essenziali (es. la Giustizia in Carnia ha lasciato solamente un supercarcere per i peggiori mafiosi; i piccoli Ospedali di presidio territoriale sono oramai a rischio evidente come a Cividale o Sacile o Aviano o Maniago o Spilimbergo se non anche a Tolmezzo, per non parlare dell'Ospedale di Gemona che era un piccolo gioiello antisismico, mentre il capoluogo regionale triestino continua a godere di un buon servizio sanitario in una Regione unica ma a due velocità; le piccole emittenti locali stanno tutte chiudendo e il loro territorio sta perdendo voci vicine spesso libere e sensibili alle sollecitazioni provenienti dal basso come Videotelecarnia).

Le soluzioni si potranno trovare solamente in un nuovo radicamento territoriale e identitario (altrimenti, per quale motivo bisognerebbe ostinarsi sulla Montagna, se non fosse importante salvare il nostro popolo?) e in una nuova mentalità di innovativa continuità e di apertura al modello virtuoso che per noi in Friuli è e deve essere anzitutto quello Sudtirolese; per il resto il nostro contributo se non altro propositivo sta scritto nel nostro Programma; aiutaci anche tu a riprendere il controllo di questa Regione per conto del Friuli al fine di attuarlo recependo ulteriori proposte provenienti anche da tutto un territorio montano al quale da sempre siamo particolarmente attenti.

Il Coordinatore Regionale – avv. Luca Campanotto

per tutto il Direttivo e tutto il Movimento di Aquila del Friuli: <http://www.aquiladelfriuli.org>